



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Magister Caeremoniarum.

urn:nbn:de:hbz:466:1-10447

mentum, ut si quis impetraret beneficium juris patronatus à Papa, sine derogatione, tunc potest per regios officiales impediri, Covar: c. 36, n. 9, pract: quest.

MALE ABLATA.

Malè ablatorum restitutio facienda relicta à testatore, potest fieri per hæredes, vel executores relictos ab ipso testatore, tamen cum consilio Episcopi, Covar: in c: nos quidem, n. 8, ver: secundò colligo, de testam. si verò non est datus executor, vel si qui est datus, suspectus est, tunc ad Episcopum pertinet, Host: in c. cum sit, de testam. & dictum est supra, in ver: Episcopus, §. 29.

MAGISTER CÆREMONIARUM.

Primò, an Magister cæremoniarum sit constituendus in qualibet cathedrali?

Secundò, quando incœperunt cæremonia?

Tertiò, à quo fuerunt instituta?

Quartò, ad quid deserviunt?

Quintò, quis eligendus?

Ad primum respondetur, quòd non solum est utilissimum, sed per necessarium, tum quia ita observat Ecclesia Romana, norma, & magistra omnium Ecclesiarum, & omnes cathedrales benè instituta, tum quia omnia, quæ sunt, à Deo ordinata sunt, ad Romanos cap: 13, Cantic: c. 2, Ordinavit in me charitatem, & Dion. Areopagita libro quarto

Cælest. Hierar. ipse namque magister cæremoniarum omnia ordinatè in divinis officiis disponit, velut Ecclesiastica Hierarchia cælesti æmuletur, ubi spiritus illi cælestes assistunt coram Deo, & Agno, mirabili cæremoniarum ordine, prout est videre apud Ezechielem, Isaiam, Danielelem, Apocalypf. Ignatium, & cæteros.

Ad secundum, in veteri Testamento, Exodi cap. 18. Deut. c. 4, 3, Reg. c. 2. in novo, Ioan: c. 11, Marci c. 7, Luca c. 22, 1. Timothi: cap: 2, Luc: cap: 18. & pluribus aliis locis brevitatis causa omissis.

Ad tertium, fuerunt instituta, & indicta à Deo, & à Christo, ab Apostolis, & sanctissimis Patribus ad honorem Dei, & ad utilitatem nostram, prout patebit Doctoribus infra citandis.

Ad quartum. Deserviunt primò ad excitandam nostram somnolentiam à mole corporali ad spiritualia: secundò, à visibilibus ad invisibilia: tertio, ad humiliandam nostram cervicem superbam, illis quippe instruimur, monemur, erudimur, illisque præparamur, & proficimus in gratia, & charitate, & veluti per gradus quosdam ad divina mysteria evehimur, ut capitis detectio, elevatio oculorum, extensio brachiorum, aperitio palmarum, prosternationes, manuum junctiones, genuflexiones, reverentia, curvationes cervicum, variatio vocis, cantus, tonorum, colorum, thymista, suffitus, sessiones, stationes, diversitas indumentorum, & omnia, quæ aguntur per ministerium fervorum Dei, exorcismis,

orationibus, canticis spiritualibus, insufflationibus, inclinationibus humorum, humilitate pedum, hæc omnia esse sunt, quæ nos reficiunt, vide D. Aug. de Symb. Cathol. lib. 2. c. 2. tom. 9.

Abeant ergo pestiferi hæretici, qui novi recentesque venerunt, quos non coluerunt patres eorum, qui conantur auferre ritus, & ceremonias ab Ecclesia Dei, contra Dominum, & Christum ejus, Spiritum sanctum, verus, & novum testamentum, Apostolos, summos Pontifices, sacra Concilia, contra religionis naturam, & consuetudinem hominum, & sententias omnium: insurgat præter cæteros, sacrum Concil. Trid. de ceremonijs in Sacramentis administrandis, sess. 7. Can. ult. de Sacram. in communi. de ceremonijs, & diversis actibus in Missæ sacrificio, sess. 22. can. 5. & cap. 7. in Sacramento ordinis, sess. 23. Can. 5. in Sacramento matrimonij, sess. 24. Can. 11. de ceremonijs, & ritibus circa Sanctorum reliquias, sess. 25. in initio, vide Pignium, lib. 1. Hierar. Eccles. cap. ult. Cather. 2. clave Scripturæ, Bunderium in compendio concertationis, tit. 27. Brunum, li. de cerem. confessio. Polon. cap. 86. & multa Concilia provincialia, & præcipuè Beneventanum, tit. de divin. est. c. 12.

Ad quintum, eligi debet vir gravis, competenter doctus, elegans, studiosus, diligens, benè versatus, & morigeratus, cum competenti præbenda, prout sit ubique.

Prax. Episc. Pars II.

MANCIPIA.

Mancipia, Servi, sive Sclavi, ad Senatus Camerae Urbis officium, conservatores pro libertate confugientes, libertatem consequuntur, & Romani cives, liberi que homines efficiuntur. Paul. III. Bul. 2. quæ incipit, Novimus, & Pius V. Bul. 18. quæ incipit, dignum.

MATRIMONIUM.

Primò, Senes regulariter possunt contrahere matrimonium, dummodo possint erigere virgam viriliter in vas mulieris, & ita ut appetitum carnalem ab utraque parte sedare valeat. similiter & spadones, quia non est de essentia matrimonij, ut ex eo habeatur proles, Navar. conf. 2. n. 6. & 15. de frigid. & males. & conf. 4. n. 25. de desp. impub. Senes verò, qui non sunt apti ad prædicta præstanda, non possunt contrahere matrimonium, & contractum potest dirimi, Nav. loc. cit. ex Soto 4. sent. dist. 36. q. 1. ad secundum. sed circa spadones, vide Bul. seu declar. Sixti X. sub datum Romæ die 27. Junij, 1587. pro nuntio Hispaniæ, similiter carens testiculis, modò possit ut supra, potest contrahere, secus verò non, idem loc. cit. n. 11. 16. & 20.

Secundò, dubitabitur, an parochus, cujus præsentia est de necessitate matrimonij, opus sit, ut sic Sacerdos?

Respondetur, quòd non, Nav. conf. 9. num. 2. de clandest. despons. tamen

N aliter